



CONCELLO DE
OLEIROS

Certificado

Marcos Veiga Rodríguez, secretario accidental do Concello de **Oleiros** (A Coruña).-

C E R T I F I C O:

Que na sesión extraordinaria da Xunta de Goberno Local que tivo lugar o día 30 de xullo de 2025, adoptouse o acordo seguinte:

“Punto 3.- Adopción de acordo en orde á concesión de subvención directa, por razóns de interese público e social, ó Club Xuventude Dorneda para a organización do Torneo de Fútbol Concello de Oleiros 2025 (complementaria da nominativa prevista nas Bases de Execución do Orzamento)”

“Antecedentes.

I.- Con data 14/07/2025, rexistro de entrada 2025015549, o club Xuventude Dorneda presenta solicitude para que se lle conceda unha subvención por importe de 16.050,00 € para o pago dos premios e os gastos de arbitraje do torneo de fútbol Concello de Oleiros (categorías masculina e feminina).

Nas Bases de Execución do Orzamento para 2025 consta unha subvención nominativa de 13.758,00 euros para dita finalidade.

II.- O 16/07/2025, a Quinta Tenenta de Alcalde, delegada de Deportes, Formación e emprego, Turismo e Promoción Económica emite unha providencia na que ordena que se inicie o procedemento para a concesión dunha subvención directa de 2.292,00 ao Club Xuventude de Dorneda, en concepto de subvención complementaria da prevista nas BEO, para contribuir ao custe de organización do torneo de fútbol.

III.- En data 18/07/2025 a Responsable da Unidade Xurídica emite informe xurídico relativo ao procedemento e ao contido necesario do acordo de concesión.

IV.- Na mesma data o Técnico Municipal de Deportes emite informe-proposta de concesión.

V.- A proposta foi informada favorablemente pola Intervención en data 22/07/2025.

Fundamentos

1º.- No informe do Técnico Municipal de Deportes consta a seguinte motivación e fundamentos (Sic.):

“I.- Exposición de motivos

A planificación do deporte municipal en Oleiros ten o seu eixo vertebrador en dúas liñas de actuación que podemos considerar como base na que se fundamenta a política deportiva local. Por unha parte o desenvolvemento de programas propios de actividades físicas e deportivas e por outra parte a xestión de instalacións deportivas que dan soporte ás estruturas dos clubs deportivos. Ambas as dúas teñen unha garantía para consolidar os eidos da formación deportiva, así como a competición tanto a nivel federado como popular.

Dentro do eido da competición, o Concello de Oleiros ten como liña de actuación a promoción de eventos deportivos que enriquezan a actividade competitiva dos clubs do propio Concello.

*Un destes eventos é o **torneo municipal de fútbol**, que nesta edición do ano 2025 organizará o **Club Xuventude Dorneda** e para o cal os orzamentos municipais reservan unha subvención nominativa.*

II.- Antecedentes

1.- As Bases de Execución do Orzamento Municipal para 2025 recollen no artigo 28.9 as subvencións nominativas que se prevén para o presente exercicio, entre as cales están as seguintes:

Partida	Beneficiario	Importe (€)	Finalidade/Obxecto
81.341.48100	Club Xuventude Dorneda	13.758	Contribuír ao custe de organización do torneo de fútbol. Abonarase o importe do gasto realmente xustificado, cun máximo de 13.758 euros.





CONCELLO DE
OLEIROS

2.- Con data 14/07/2025, rexistro de entrada 2025015549, o club **Xuventude Dorneda** presenta solicitude para que se lle conceda unha subvención por importe de **16.050,00 €** para o pago dos premios e os gastos de arbitraje do torneo de fútbol Concello de Oleiros (categorías masculina e feminina). O detalle dos gastos é o seguinte:

✓ Premios a repartir entre equipos masculinos participantes:

- 9.400 € no Torneo masculino.
- 5.150 € no Torneo feminina.

✓ Gastos de arbitraje: 1.500,00 €

3.- Xunto coa solicitude, achega a seguinte documentación:

Declaración responsable de non estar incurso en incompatibilidades, atoparse ao corrente nas súas obrigas tributarias e de seguridade Social, e de cumprir o requisito previsto no artigo 57 da Lei Orgánica 8/2021, do 4 de xuño, de protección integral á infancia e a adolescencia fronte á violencia.

4.- Na presente edición participarán no Torneo , na categoría masculina, 10 equipos e na categoría feminina, 5 equipos.

III.- Circunstancias que xustifican as condicións excepcionais para a concesión da subvención:

a) Interese deportivo.- Trátase dun torneo de pretempoda no que participan todos os equipos de Oleiros antes de empezar a Liga, polo cal é fundamental tanto para os clubs como para os deportistas individuais.

b) Interese social.- debido ao arraigo social do fútbol en todas as parroquias do concello, este Torneo ten un grande seguimento por parte do veciñanza, tanto practicantes como meros espectadores, que desfrutan do espectáculo que supón cada un dos encontros disputados.

Fundamentos

1º.- O importe que constaba nas Bases de Execución do Orzamento do ano 2025, correspóndense integramente coa cantidade que se outorgou como premios de participación e gastos de arbitaxes na edición de 2024, por ser o dato coñecido no orzamento para 2025.

2º.- Para o ano 2025, incorporouse un equipo máis de categoría feminina a respecto do ano 2024, e –tal e como consta na providencia da Concelleira- cómpre variar o importe individual dos premios a conceder a cada club. Todo iso deriva nun incremento de custes respecto ao que se concedeu en 2024.

3º.- Que a cantidade prevista nas B.E.O. do ano 2025 é de 13.758 €, polo que no sería suficiente para abordar as novas necesidades xa expostas. O incremento necesario sería de **2.292 €**.

4º.- De acordo co sinalado na providencia da Concelleira de Deportes, a cantidade que se propón conceder sería o resultado dos seguintes cálculos:

a) Premios aos equipos participantes : 14.550 €

➤ Finalistas: levará cada equipo un premio de 1.300 €

➤ Resto dos equipos participantes: percibirán un premio de 850 € cada un.

Na **categoría masculina** confirmada a participación de 10 equipos e repartirase unha cantidade total de 8.500 € en premios como parte fixa, así como un plus aos equipos finalistas de 450 € a cada un. Total categoría masculina, **9.400 €**.

Na **categoría feminina** confirmada a participación de 5 equipos e a cantidade a repartir será de 4.250 € en premios como parte fixa, así como un plus aos equipos finalistas de 450 € a cada un. Total categoría feminina, **5.150 €**.

b) Gastos derivados das arbitaxes dos partidos e do pago do canon federativo para a autorización do torneo: **1.500 €**

Con base no anteriormente exposto, **PROPONSE á Xunta de Goberno Local:**

Primeiro.- Conceder ao CLUB XUVENTUDE DORNEDA , con C.I.F. G-G70458674, e enderezo en Avda. da República Arxentina, 88 15178 Oleiros, unha subvención por interese público e social, por importe de **2.292,00 euros**, en concepto de gastos de organización do Torneo de Fútbol Concello de Oleiros, complementando a subvención nominativa que estaba prevista nas Bases de Execución do Orzamento, coa finalidade de contribuír ao incremento





CONCELLO DE OLEIROS

de custe de organización do torneo nas súas categorías masculina e feminina con cargo á aplicación orzamentaria 81.341.48100.

Segundo.- Autorizar e dispor un gasto un gasto de **2.292,00** euros para o fin sinalado no parágrafo anterior.

Terceiro.- As condicións desta subvención son as seguintes:

e) Importe: 2.292,00€

f) Aplicación orzamentaria: 81.341.48100. *“Deportes.Prom e fom.Premios bolsas e outros”*

g) Compatibilidade: Esta axuda é compatible con outras subvencións, axudas, ingresos ou recursos para a mesma finalidade. O importe da axuda non poderá exceder de tal contía que, illada ou conxuntamente con outras subvencións ou auxilios que perciba o beneficiario doutras entidades tanto públicas como privadas, exceda do importe do gasto realizado.

h) Coeficiente de financiamento: 100%.

i) Pagamento: Efectuarase o pagamento anticipado do 100% da subvención concedida.

O pago anticipado realízase para que o club organizador poda facer fronte aos pagamentos adiantados ou inmediatos que se requiran ao longo do torneo.

j) Obrigas da entidade subvencionada:

a) Promover a creación dunha comisión coordinadora do torneo, formada por un membro de cada club, e na que o propio **Club Xuventude de Dorneda** ocupará a presidencia. A comisión terá a seguinte función: Establecer o calendario de competición do torneo, así como a resolución de posibles trocos de datas que se pudieran solicitar durante o mesmo, tanto da categoría masculina como feminina.

b) Facer fronte aos gastos de arbitraje de todos os partidos do torneo.

c) Xestionar coa federación galega de fútbol os correspondentes permisos e trámites administrativos precisos para o funcionamento do torneo.

d) Aboar aos clubs participantes as cantidades correspondentes ao premio que cada club terá por ter participado no torneo, e que son as que se establecen no regulamento do torneo. Este pagamento efectuarase do seguinte xeito:

○ un primeiro pago aos clubs, da cantidade de 850 euros a cada un dos equipos participantes, a cada un dos participantes, con data límite de 15 días despois de que remate o Torneo.

○ un segundo pago aos dous clubs finalistas polo importe da diferenza entre o percibido e o que lles corresponda percibir segundo o reseñado no Fundamento 4º desta proposta.

e) Publicidade: Facer constar na totalidade da publicidade que realice da actividade subvencionada, por calquera medio, que a mesma conta con subvención do Concello de Oleiros, sinalando o importe e o concepto. A estes efectos, deberá publicitar nas súas redes sociais e/ou páxina web a concesión da subvención, concepto e importe no momento que o coñezan. Asemade, deberá incluír nos elementos sinalizadores na propia realización da proba (carteis, banners, carpas, etc) o logo do Concello de Oleiros.

f) Destinar os fondos percibidos ao obxecto concreto para o cal foron concedidos.

g) Presentar a conta xustificativa no prazo e do xeito que sinala no parágrafo seguinte.

e) Xustificación:

➤ O prazo de xustificación das axudas será de **UN MES** contado a partir da data en que se dispute o último partido.

➤ A conta xustificativa constará dos seguintes documentos:

▪ Informe da clasificación final do torneo.

▪ Declaración responsable do Presidente de que os fondos percibidos foron destinados ao obxecto concreto para o cal foron concedidos e de que o importe da axuda non excede de tal contía que, illada ou conxuntamente con outras subvencións ou auxilios que perciba o beneficiario doutras entidades tanto públicas como privadas, exceda do importe do gasto realizado.





CONCELLO DE
OLEIROS

- Declaración doutras axudas concedidas por outras entidades públicas ou privadas, ingresos ou recursos para a mesma finalidade.
- Acreditación da publicidade feita.- enlace á web e/ou redes sociais onde conste a publicidade e fotografías do evento onde se vexan os elementos publicitarios esixidos.
- Facturas orixinais ou copias compulsadas xustificativas dos gastos realizados (arbitraxes e taxas federación) e o xustificante de telos aboados.
- Recibos orixinais ou copias compulsadas xustificativas do pagamento dos premios aos clubs participantes no evento, mediante os que se acredite o uso dos fondos concedidos. Nos recibos deberán constar os seguintes datos: datos completos do pagador (nome, enderezo e CIF), datos completos do perceptor do premio (ídem), importe pagado, concepto (premio en función do posto acadado na clasificación do Torneo, lugar, data e sinatura).

Cuarto.- O réxime de concesión, xestión, xustificación, control financeiro, infraccións e sancións desta subvención axustarase ao regulado na normativa estatal e autonómica sobre subvencións públicas, así como o regulado ao respecto nas bases de execución do orzamento.”

E para que conste expido este certificado de conformidade co que dispón o artigo 204 do R.D. 2568/1986, de 28 de novembro (ROF), de orde e co visto e prace do alcalde e coa advertencia á que fai referencia o artigo 206 do ROF citado e a reserva dos termos que resulten da aprobación da acta; Oleiros, asinado dixitalmente polo alcalde e por min, secretaria accidental, na data que figura na propia sinatura deste documento.-

